

A
DENDAN



nagrade, koja će biti utrošena za uređenje prostorija navedena ustanove. Takođe su, tom prilikom, štencicima studentima uručeni određeni novčani iznosi, dok su najmladi štencici obradovani slatkišima. Munir Selimović je ovo kao nagrada za životno djelo. Rekao nam je da je presretan i da u ovome vidi još jedan podstrek da, dok bude imao snage, nastavi raditi u obrazovanju i sportu. - Ova nagrada nije mogla doći samo mojim djelovanjem. Kao trener i pedagoški radnik ja utičem na omladinu, na sportiste, na način da transformišem njihovu ličnost i njihovo tijelo, a bez njihove podrške i njihovog angažmana to ne bi nikako mogao. Smatram da ova nagrada ide djelom i prema njima i svim mojim kolegama koji su bili uz mene, saradivali sa mnom, koji su sada u usponu snage i može biti motiv i njima da rade, da se trude, i nekad možda budu nagradeni kao što sam ja sada. Kruna mog rada je zvanje olimpijskog trenera i nastup na Olimpijadi 2000. Postignuti rezultati sigurno nebi bili takvi da nisam imao podršku svoje porodice, supruge i sina kojima iskazujem zahvalnost što su mi u tenu kazao te munir Selimović.



ZENICA PROSLAVILA
ROĐENDAN

ZIVOT +

SCENA

PORUKA FUADA KASUMOVIĆA GRADONAČELNIKA ZENICE

Kao gradonačelnik vjerujem da ćemo naše programe provoditi uz više saglasnosti i međusobnog razumijevanja u uslovima potrebe još stedljivijeg raspolažanja javnim sredstvima. Sve vas molim, da nikada ne zaboravimo, da smo ovoje zbog naših gradana i poboljšanja kvalitete njihovih života, sredstvima koja su nam oni povjerili, a ne zbog naših ili stranačkih interesa i zadataća. Neka nam vodiljiv budu evropski standardi ali se istovremeno prilagođavajmo željama i potrebama građana Zenice. Siguran sam da će Zenica zahvaljujući nama biti lepša i naprednija od one za koju smo krajem prošle godine preuzeли odgovornost.

Postovani sugrađani, možemo i trebamo



biti ponosni na svoj grad, na njegovu istoriju, tradiciju i ljepotu i zato hvata generacijama naših sugrađana koje su gradile Zenicu. Zahvaljujući njima, danas živimo u gradu po mjeri čovjeka, poznatom po ljepoti, kulturi, toleranciji i posebno po ljudskoj toplosti. Onima

koji u našem vremenu radom dokazuju svoje kvaliteti i promovisu grad u privredi, nauci, umjetnosti, sportu i drugim područjima, tradicionalno se zahvaljujemo Nagradom grada, najvišim gradskim priznanjem, na čemu im kao gradonačelnik čestitam. Dan Zenica - 20. mart je i datum moga rođenja. Zenica nisu objekti i kapitalni projekti, nego njeni ljudi koji moraju biti odlučniji, hrabriji i preuzeti sudbinu u svoje ruke. Biće sretan i ponasan da Grad i ja 7. proslavimo naredni rođendan brojem zaposlenih i uz zad sugrađane. Naš zajednički treba biti ekonomski jak, europska, a naša – Zeni Zeničanima čestitam Da.



ĆIMBURIJADA

Više hiljada Zeničana kao i svakog 21.marta u posljednjih nekoliko decenija su na specifičan način obilježili ovaj dan okupljajući se na tradicionalnoj Čimburijadi. Lijepo vrijeme izmalo je mnoge da se preseći na desnu obalu rijeke Bosna od Drvenog mosta, Ušća, Ade i Jagnjišća do Žežejničkog mosta na Kamberovića polju. Ne može se sa sigurnošću utvrditi kada su stanovnici Zenice počeli prvi dan proljeća obilježavati člaskom i okupljanjem na obali rijeke

i obavezno pečenje čimbara. Po nekim predanjima, taj običaj postoji preko stotinu godina. Spravljen je i podijeljen čimbar od 1.500 laga koje je sponzorirao zenički privrednik Rasim Salčinović i njegov Nacionalni restoran. Uz već tradicionalna događanja, Čimburijada je obogaćena nastupima kulturnih i sportskih društava i klubova, kao i učenika osnovnih škola zahvaljujući koordinatoru aktivnosti Forumu građana Zenice. Također je održan i rafting na rijeci Bosni, kao i kupanje prvog kupača.



TRAVNIK I MAKARSKA
PARTNERSKI GRADOVI



PAVIĆ PONOVNO
U ČELIKU



AMEL TUKA I KANITA BILIĆ
NAJBOLJI U ZENICI

DJEĆIJI DODATAK

Vlada ZDK usvojila je prijedloge programa utroška sredstava iz budžeta Kantona za 2017. godinu u nadležnosti Ministarstva za rad, socijalnu politiku i izbjeglice. Ovim su ispunjene okvirne zakonske pretpostavke za operativni i namjenski utrošak planiranih sredstava. - Visina sredstava utvrđena ovim programom iznosi 25.949.074 KM, a odnosi se na pozicije - Tekući transfer pojedincima od 25.768.074 KM, na ime finansiranja prava za oko 28.000 korisnika stalne novčane pomoći, smještaja u drugu porodicu, smještaja u ustanove socijalne zaštite, transfera za osobe sa invaliditetom, prava civilnih žrtava rata, dodatka na djecu, naknade umjesto plaće ženi-majci porodilji u radnom odnosu i naknade ženi-majci porodilji koja nije u radnom odnosu, kazao je Nurđehan Šahinović, ministar za rad, socijalnu politiku i izbjeglice ZDK-a. Od pomenuтиh sredstava, kako je objasnio Šahinović, planirana su sredstva za smještaj u ustanove socijalne zaštite od pet miliona, za zaposlene i nezaposlene porodilje od 8.561.685 KM i dječiji dodatak od četiri miliona maraka. U okviru ovog transfera planirano je i finansiranje prava na alternativni smještaj i druge izdatke za raseljena lica za oko 300 osoba u ukupnom iznosu od 480.951 KM, te poticaji zapošljavanju za oko 200 osoba, za šta će biti izdvojeno 825.000 KM. Ministar Šahinović je objasnio da su takođe namijenjena sredstva za finansiranje ostalih potreba socijalno-zaštitnog karaktera za osobe u stanju socijalne potrebe. Radi se o tekućim transferima neprofitnim organizacijama od 180.300 KM, na ime finansiranja kantonalnih udruženja, saveza, Crvenog križa ZDK-a i za obilježavanje Dječije nedjelje u ZDK.



SKUPŠTINA ZDK

U nastavku rada 38. sjednice Skupštine razmatrano je preostalih devet tačaka ranije usvojenog dnevnog reda. U nastavku rada poslanici su razmatrali šest inicijativa, dva izvještaja o radu i jednu informaciju. Veći dio današnjeg skupštinskog zasjedanja se odnosio na razmatranje podnesenih inicijativa, a od toga poslanici su prihvatali dvije inicijative i to: Inicijativu Grada Zenica tj. tadašnjeg v.d. gradonačelnika Grada Zenica Selvera Keleštire za dopunu Zakona o javnom redu i miru i Inicijativu JU Osnovna škola „Gostović“ Gostovići, općina Zavidovići, kao osnovanu, za davanje autentičnog tumačenja Zakona o izmjenama Zakona o socijalnoj zaštiti, zaštiti civilnih žrtava rata i zaštiti porodice sa djecom. Nakon što je ova inicijativa prihvaćena kao osnovana, Skupština je donijela Autentično tumačenje odredbe člana 1. stav (3) Zakona o izmjenama Zakona o socijalnoj zaštiti, zaštiti civilnih žrtava rata i zaštiti porodice sa djecom. Poslanici u Skupštini

ZDK nisu prihvatali inicijative: inicijativu JKP "Zenicatrans prevoz putnika" d.d. Zenica za izmjenu i dopunu Zakona o komunalnim djelatnostima, inicijativu Grada Zenica za izmjenu Zakona o korištenju, upravljanju i održavanju zajedničkih dijelova i uređaja zgrade, inicijativu Općinskog vijeća Kakanj za dopune Zakona o vodama ZDK i inicijativu Saveza općina i gradova Federacije BiH za omogućavanje liječenja građana općine Breza u Kantonu Sarajevo. Skupština je prihvatile Izvještaj o radu Ureda za pritužbe javnosti za 2016. godinu, a potom je prihvatile i Izvještaj o radu Nezavisnog odbora za izbor i reviziju za 2016. godinu. Na kraju zasjedanja Skupština ZDK je prihvatile Informaciju o stanju prikupljanja i deponovanja otpada na području ZDK i odvoza na Regionalnu deponiju „Mošćanica“ dopunjenu sa Informacijom o prikupljanju, deponovanju i uništavanju medicinskog, animalnog, električnog i drugog otpada.

KONFERENCIJA O BORBI PROTIV KORUPCIJE

Predsjedavajuća Skupštine ZDK Draženka Subašić prisustvovala je konferenciji "Borba protiv korupcije unapređenjem zakonodavnog okvira, jačanjem institucija i povećanjem saradnje s građanima", koja je održana u Sarajevu u organizaciji Misije OSCE-a u BiH i Agencije za prevenciju korupcije i koordinaciju borbe protiv korupcije BiH. Predsjedavajuća je uzela aktivno učešće na samoj Konferenciji i u svom obraćanju kazala da trenutno ne postoji politička volja primjene postojećih antikoruptivnih zakona i strategija. Tom prilikom je naglasila: „Građani više i ne

očekuju da će se zakonodavna vlast ikada početi sistematski razračunavati sa korupcijom, jer je uvriježena percepcija da su svi u istom kolu i da često možemo čuti da su svi oni isti. Pitanje donošenja i sistematske primjene antikorupcionih zakona ne bi smjelo biti pitanje volje, nego civilizacijsko pitanje“. Kao preporuke je iznijela da bi trebalo zaštiti tzv. „zviždače“ i početi primjenjivati antikorupcioni set zakona Federacije BiH, ali i dodatno vršiti prevenciju korupcije, u smislu transparentnosti rada izvršne i zakonodavne vlasti.

LINEARNO POVEĆANJE PLAĆA ZDRAVSTEVNIM RADNICIMA

Ministar zdravstva i socijalne politike SBK, Nikola Grubešić (HDZ BiH) i predsjednik Nezavisnog strukovnog sindikata zdravstvenih radnika SBK, dr. Muris Trako potpisali su Granski kolektivni ugovor za oblast zdravstva koji jeće važiti od 1. aprila ove godine, a njegove efekte oko 2.000 zdravstvenih radnika u SBK će osjetiti u maju mjesec kada dobiju aprilske plaće! Ugovorom je predviđeno 37,5 satno sedmično radno vrijeme, uz satnicu od 2,31 KM i fiksne koeficijente koji su po mišljenju ministra Grubešića ključni.

-Ovaj ugovor znači linerano povećanje plaća zdravstvenim radnicima. On je potpisana na godinu dana i nadam se da će imati pozitivnog odjeka i kod zdravstvenih radnika jer se prvi puta nakon više od devet godina povećava plaća u zdravstvenom sektoru. Mislim da će to za uposlenike biti dodatni stimulans da imaju drugačiji odnos prema poslu, kazao je nakon potpisivanja ministar Grubešić.

Ovaj novi Kolektivni ugovor koštati



će dodatnih sedam miliona KM na godišnjem nivou, ali s obzirom da Zavod za zdravstveno osiguranje SBK kontinuirano bilježi porast prihoda, te da je riješen dugogodišnji deficit sredstva ne bi trebala biti problem.

- Od 2007. godine nije bilo povećanja plaća u zdravstvenom sistemu SBK. Zakoni doneseni na nivou Federacije BiH tokom prošle godine su potencirali ovo dešavanje, odnosno lančanu reakciju u svim kantonima. U nekim kantonima su najavljuvani štrajkovi, a u nekim nisu. Kod nas je trebao početi štrajk, ali

očigledno je pobjedio razum. Sretan sam da je došlo do sporazuma bez štrajka, rekao je dr. Trako, naglašavajući da su pacijenti već na dobitku samim tim što nije bilo štrajka. Iz Ministarstva zdravstva su najavili formiranje interesorne radne grupe koja je analizirati stanje u zdravstvu, posebno sa stanovišta broja timova u primarnoj zdravstvenoj zaštiti jer su direktori pojedinih domova zdravlja primali kadrove koji nisu u okviru dogovorenog broja timova. Sve to išlo je na štetu pacijenata, ali i zaposlenih u tim ustanovama.

NOVA KOLEKCIJA POPUSTI od 10% do 20%



CARRARA BIANCO NATURALE
45 x 45 cm 17,50 KM/m²
14,00 KM/m²



MEGALITI FOCAIA
31 x 62 cm 23,50 KM/m²
20,50 KM/m²



HIKORY 1
34,7 x 48,1 cm 12,10 KM/m²
10,90 KM/m²



ANDRAX GREY 1
45 x 45 cm 19,70 KM/m²
16,80 KM/m²

STIPENDIRANJE STUDENATA



U Velikoj sali Centra za kulturu i obrazovanje u Tešnju potpisani su ugovori za stipendiranje studenata u školskoj 2016/2017. godini. Ugovore su potpisali Općinski načelnik Suad Huskić i 372 studenta sa područja općine Tešanj koji ispunjavaju uslove konkursa. Ukupna vrijednost potpisanih ugovora je 350 000 KM. Ovu praksu želimo nastaviti i u narednom periodu, kazao je općinski načelnik Suad Huskić. Na općinski konkurs ukupno se prijavilo 417 studenata, od čega njih 372 ispunjava uslove konkursa. Ove godine, 335 studenata u narednih 9 mjeseci primat će iznos od 100KM, dok će studenti deficitarnih zanimanja primati iznos od 130 KM (37 studenata).

SARADNJA PEČUHA I ZENICE



Menadžment Univerziteta u Pečuhu, najstarijeg mađarskog univerziteta, sa rektorm dr. Jožefom Bodиšem na čelu, direktorom Kliničkog centra u ovom gradu i predstavnica Samo-uprave županijskog centra Pečuhu, posjetili su Univerzitet u Zenici te se sastali sa rektorm Dževadom Zečićem i njegovim saradnicima. Sastanku su prisustvovali premijer ZDK-a Miralem Galijašević, ministar za obrazovanje, nauku, kulturu i sport Mensur Sinanović i direktor zeničke bolnice dr. Rasim Skomorac.

HUMANIJI RAD U JAMI BEGIĆI-BIŠTRANI

Predajom na upotrebu rudarske mehanizacije u jami Begići - Bištrani od Elektroprivrede BiH, Rudnik mrkog uglja Kakanj sada ima dvije širokočelne jame kojima je povećana sigurnost rudara. Također, nova oprema će doprinijeti ostvarivanju planirane proizvodnje. - S postojećom proizvodnjom i ekonomskim odnosima ovakvu investiciju Rudnik nije mogao osigurati. Prepoznali su to ljudi iz uprave Elektroprivrede i omogućili rudarima Kaknja da poslije 30 godina imaju posebnu mehanizaciju za podzemnu eksploraciju uglja. Koliko god da im kažemo hvala, malo je. Mi znamo šta smo dobili, to je visokoproduktivna i sigurna oprema. Ovo nam znači stabilnost i kontinuitet u eksploraciji uglja, ali i sigurnost rudara u radnom prostoru širokog čela od 1. do 80. sekciјe, kazao je Kasim Alajbegović, direktor RMU Kaknji. On je istakao da je vrijednost rudarske mehanizacije koja im je predata 21 milion KM. Riječ je o transportnoj i otkopnoj opremi čiji je isporučilac Becker WarkopSp. z.o.o. iz Poljske. - Nikada ne smijemo i nećemo



zaboraviti rudare koji su svoje živote ostavljali u ruševinama kakanskih jama, pa i u ovoj jami u oktobru 2015. godine. Primajući našu rudarsku opremu na upotrebu, mi je posvećujemo našim rudarima, rahmetli Nerminu, Muhamedu, Sejadu i pokojnom Miji. Da su danas među nama, pokazali bi ponos i zadovoljstvo koje i mi osjećamo. Nova rudarska mehanizacija za nas je i obaveza. Naš je zadatak domaćinski gazdovati, produktivno je koristiti i pripremati joj nova otkopna polja. Samo tako njena upotreba vrijednost biće iskorištena, a kapitalna investicija Elektroprivrede BiH opravdana, poručio je Alajbegović.

GODIŠNJIČA RUDARSKE NESREĆE U BREZI



U Rudniku mrkog uglja Breza obilježena je godišnjica stradanja 50 rudara koja se desila 14. marta 1970. godine u jami Sretno. U sedam sati ujutro, prije ulaska rudara u prvu smjenu, su komorati polaganjem cvijeća na spomen-obilježju u krugu brezanskog ugljenokopa odali počast poginulim kolegama iz te rudarske nesreće. Preživjeli koji su danas u zasluženoj mirovini družili su se sa sadašnjim rudarima i ispričali im šta se desilo tog kognog dana prije 47 godina, a održano je i predavanje okupljenima o sigurnosti. Prema riječima Čamila Zaimovića, direktora RMU Breza, to je najveća nesreća u istoriji brezanskog

rudnika, a desila se u slijepom kraku širokog čela jame Sretno, gdje se spletom niza nesretnih okolnosti desila ta upala i od 50 stradalih, njih deset od 15 poginulo je od mehaničkih udara. Ostali su otrovani ugljenmonoksidom prilikom povlačenja iz jame. Na licu mjesta poginulo je 49 komorata, a jedan je podlegao od posljedica povređivanja dva dana kasnije u bolnici u Sarajevu. On je objasnio da je prošli mjesec, februar, prošao bez povreda na radu u RMU Breza, na što su posebno ponosni. Odato je priznanje nadzorno-tehničkom osoblju Rudnika Breza, jer je nezapamćeno da mjesec okonča bez povreda ljudi.

TRAVNIK I MAKARSKA PARTNERSKI GRADOVI !



Prvi dan proljeća, 21. mart, već šest godina se obilježava i kao Dan Općine Travnik. I ove godine je u povodu Dana općine održana svečana sjednica Općinskog vijeća Travnik na kojoj su se prisutnima obratili predsjedavajuća OV Travnik, Vlatka Lukić i načelnik općine, Admir Hadžiemrić. Na svečanoj sjednici potpisana je i Povelja o partnerstvu

Travnika i Makarske koju su potpisali načelnik Općine Travnik, Admir Hadžiemrić i gradonačelnik Makarske, Tonći Bilić. Svečanu sjednicu svojim nastupima uljepšali su Vokalni sastav „Lašvanske dive“, koje su izvele pjesmu „Travnik to je moj grad“, autora Taika Ganića, te klapa „Srdela“ i mališani iz JU „Obdanište Travnik“.

SMOTROM HOROVA POČELI „DANI OPĆINE TRAVNIK 2017“



Izložbom plakata i Drugom smotrom horova BiH u Centru za kulturu Općine Travnika počela je manifestacija „Dani Općine Travnik“. Učesnike Smotre horova pozdravio je načelnik općine, Admir Hadžiemrić koji je naglasio kako će ove godine manifestacija ponudi 48 sadržaja u kojim će nastupiti preko 1.000 učesnika. Ljubiteljima muzike i horskog pjevanja u Travniku predstavilo 11 horova: Vokalni sastav „Lašvanske

dive“ Nova Bila – Travnik, Gradski hor Bugojno, Mješoviti hor BZK „Preporod“ Brčko – Distrikt, Gradski ženski hor Bihać, Mješoviti hor KUD-a „Faruk Dogdibegović – Dikan“ Kakanj, Gradski ženski hor „Tono Hrovat“ iz Velike Kladuše, Vokalni ansambl Bugojno, KUD „Borac“ Gradačac, Hor KUD „Stari grad“ Ključ, Gradski vokalni ansambl „Tuzlanke“ i Ženski hor Centra za kulturu Travnik.



OTVOREN CENTRALNI GRADSKI TRG

U okviru obilježavanja Dana Općine Travnik upriličeno je i svečano otvaranje Centralnog gradskog trga. Brojnim građanima obratili su se načelnik općine, Admir Hadžiemrić i predsjedavajuća Općinskog vijeća, Vlatka Lukić, a Trg su puštanjem „travničkih kratkokljunih golubova“ simbolično otvorili članovi Društva za uzgoj i zaštitu sitnih životinja „Tulika“ Travnik. Kako je načelnik Hadžiemrić kazao, radovi na Trgu još nisu završeni, a prema riječima predsjedavajuće Lukić naziv Trga predložit će komisija koja treba da predloži nazive ulica i trgova za cijelo područje travničke općine.

BOLNICA TRAVNIK

Deset mladih specijalizanata potpisali su ugovore sa JU Bolnica Travnik za odlazak na specijalizaciju i oni će biti budućnost najstarije i najveće zdravstvene ustanove u srednjoj Bosni. Za ovo je JU Bolnica Travnik izdvajila 1,5 miliona konvertibilnih maraka iz vlastitih sredstava jer svaka specijalizacija košta po 150.000 KM, naglasio je direktor ove ustanove prim.dr. Mirsad Granov uz objašnjenje da po završetku specijalizacije mlađi specijalizanti imaju obavezu da određen broj godina rade u travničkoj bolnici. Inače, u JU Bolnica Travnik radi 54 specijalisti, na specijalizacijama je trenutno 22 specijalizanata uz 10 novih koji će nakon potpisa početi sa specijalizacijama.

FRANJEVAČKA KLASIČNA GIMNAZIJA VISOKO



Franjevačka klasična gimnazija Visoko u Kulturnom centru Altindag Visoko održala je promociju dokumentarnog filma pod nazivom „Franjevačka klasična gimnazija Visoko 1882-2017“. Promocija je izazvali veliku pažnju građana, eminentnih profesora, učenika i prijatelja, kojoj je prisustvovala Općinska načelnica mr.sci Amra Babić sa saradnicima i predsedavajući Općinskog vijeća Visoko, Bajro Fejzić. Arhivski materijal sakupljen na jednom mjestu u vidu dokumentarnog filma sigurno će obogatiti kulturno-historijsku baštinu Franjevačke gimnazije, ali i općine Visoko.

PROTOKOL O SARADNJI



U Žepču je početkom marta potpisana Protokol o suradnji između općine Žepče i Međureličkog vijeća u BiH - Odbora za međureličku suradnju Žepče. Protokol je u ime Odbora potpisao vlč. Predrag Stojčević, te općinski načelnik Mato Zovko ispred općine Žepče. Sastanku, koji je prošao u ugodnoj atmosferi, prisustvovali su članovi odbora Izet ef. Efendić i Zoran Živković, tajnici Branko Radoš i Anesa Katić-Dinić te Ilija Barešić - pomoćnik načelnika za opću upravu i društvene djelatnosti, kao i Božana Ivelić Katava ispred MRV-a. Na sastanku je dogovoren da će Općina Žepče sudjelovati i podržavati aktivnosti Odbora u lokalnoj zajednici. Općinski načelnik je izjavio kako je uvjeren da će ovaj protokol doprinjeti izgradnji istinskog mira, povjerenja, tolerancije i međureličkog dijaloga u općini Žepče ali i cijeloj BiH.

DAMIR KUKIĆ NOVI JE REKTOR UNZE

Damir Kukić, dekan Filozofskog fakulteta u Zenici, izabran je za novog rektora Univerziteta u Zenici. Ovo je odlučio Senat UNZE sa 17 glasova za Kukića te devet glasova za

njegovog protukandidata Sabahudina Jašarevića, inače dekana Politehničkog fakulteta, dok je jedan glas bio nevažeći. Kukić će u junu preći na novu funkciju, gdje će zamijeniti dosadašnjeg rektora prof. dr. Dževada

Zečića. Senat Univerziteta u Zenici ima 27 članova. Čine ga po dva člana iz sedam fakulteta (dekan i dodekan): Fakulteta za metalurgiju i materijale, Mašinskog, Filozofskog, Ekonomskog, Pravnog, Medicinskog i Politehničkog fakulteta. Islamski pedagoški fakultet kao pridruženi član daje jednog člana – dekana, a tu su još rektor, četiri prorektora, predstavnik doktorskog studija, te predstavnici studenata, Studentskog



centra i Instituta „Kemal Kapetanović“. Kandidat za rektora bila je i profesorica Mašinskog fakulteta Nermina Zaimović-Uzunović, koja je povukla kandidaturu. Prof. dr. Damir Kukić je dekan Filozofskog fakulteta Univerziteta u Zenici i vanredni profesor iz oblasti komunikologije. Radi na Univerzitetu u Zenici od 2004, a saradnik je i na univerzitetima u Tuzli i Mostaru. Obavljao je nekoliko funkcija na UNZE, uključujući funkcije prodekana Pedagoškog fakulteta za

nastavu (2004 - 2008), te prodekana za naučnoistraživački rad (2008 - 2010). Inicijator je procesa transformacije Pedagoškog fakulteta u Filozofski fakultet, kao i procesa osnivanja studijskog programa Kulturalni studiji. Oblast njegovog znanstvenog interesa je komunikologija, odnosno masovni mediji. Autor je nekoliko članaka o funkcioniranju masovnih medija, posebno televizije i novih medija.

JAVNO-PRIVATNO PARTNERSTVO

Vlada Zeničko-dobojskog kantona usvojila je Uredbu o identifikaciji, pripremi, ugovaranju i praćenju primjene projekata javno-privatnog partnerstva. - Usvajanjem Zakona o javno-privatnom partnerstvu u julu 2016. i donošenjem Uredbe kreiran je pravni okvir za primjenu modela JPP-a u ZDK-u i omogućeno da javni i privatni sektor na još jedan način ostvare saradnju na partnerskoj osnovi i značajno doprinesu socio-ekonomskom razvoju ZDK-a, kazala je Dženita Hrgić iz Ministarstva privrede. Uredbom o identifikaciji, pripremi, ugovaranju i praćenju implementacije projekata JPP-a se detaljnije uređuju postupci i odnosi u vezi sa provođenjem Zakona o JPP-u i to: postupak identifikacije projekta JPP kroz obavezno utvrđivanje srednjoročnih i godišnjih planova svih javnih tijela na osnovu kojih će se kreirati Katalog projekata JPP-a ZDK-a,



čime se obezbjeđuje transparentnost u radu javnih tijela i omogućuje učešće privatnog sektora u pripremi projekata JPP-a, postupak imenovanja, kriteriji za izbor članova i način rada radnog tijela za pripremu projekata, sadržaj studije opravdanosti, postupak i kriteriji za izbor privatnog partnera, te dodatni sadržaj ugovora o JPP-u, registracija, nadzor i izvještavanje o provođenju ugovora JPP-a.

MALEZIJSKI AMBASADOR POSJETIO TEŠANJ

Ambasador Malezije u BiH Anuar Kasman boravio je nedavno u zvaničnoj posjeti općini Tešanj i tom prilikom se susreo sa općinskim načelnikom Suadom Huskićem. Bila je ovo prilika da se ambasador upozna sa Tešnjom i privrednim potencijalima, kao i da dobije informacije kako uspostaviti bolju i čvršću saradnju u oblasti ekonomije.

- Posjeta je realizirana sada, zbog nadolazećeg Sarajevo Biznis foruma koji se održava u maju, kada će biti prisutan veliki broj privrednika. Želja je da privrednici iz Malezije koji budu učesnici Sarajevo Biznis foruma posjete Tešanj i na licu mesta se uvjere u mogućnosti saradnje, kazao je Ambasador Malezije u BiH. - Ovakvi sastanci sa predstvincima diplomatskog kora u našoj zemlji su dobro došli, većina tih sastanaka donese konkretnе zadatke i ciljeve, a na dobrobit svih građana koji žive u našoj zemlji, kazao je načelnik Suad Huskić.

Nakon sastanka sa načelnikom, ambasador Malezije u BiH je posjetio kulturno-historijske spomenike u gradu. Službena posjeta je završena posjetom kompaniji Madi, koja je već postala prepoznatljivo ime na bh.tržištu ali i šire.



AMBASADOR OSCE MISIJE U BIH POSJETIO VISOKO

UG Omladinska romska inicijativa „Budi mi prijatelj“ Visoko posljednjih godina aktivno uključuje žensku populaciju kroz Mjesec dana ženskog romskog aktivizma pod nazivom „Imam pravo da imam prava“. Ove godine UG ORI „Budi mi prijatelj“ je organizovalo mjesec dana ženskog romskog aktivizma u saradnji sa Ženskom romskom mrežom „Uspjeh“ BiH, Općinom Visoko, OSCE-om i Unicef-om. Ovogodišnji mjesec dana ženskog romskog aktivizma podjeljen je na četiri teme i u svakoj sedmici će biti obuhvaćena posebna tema. Prva sedmica: „Politička participacija Romkinja“, druga sedmica: „Nasilje u porodici“, treća sedmica: „Diskriminacija Roma/Romkinja“ i četvrta sedmica: „Siromaštvo Roma/Romkinja“. Ovim povodom u Općini

Visoko održan je okrugli sto pod nazivom „Položaj marginalizovanih žena u BiH (zdravstvena zaštita, obrazovanje, zapošljavanje)“. Okruglom stolu prisustvovao je ambasador OSCE misije u BiH Jonathan Moore šef terenskog ureda OSCE-a u Travniku, Cristiano Barale, Općinska načelnica mr.sci Amra Babić sa saradnicima i predstavnici različitih udruženja sa područja općine Visoko koji su došli da svojim prisustvom daju podršku ovom projektu. O samom projektu i programu implementacije ovog projekta tokom narednih mjeseci dana govorila je članica Udruženja „Budi mi prijatelj“ i vijećnica Općinskog vijeća Visoko Melina Pirija. Ambasador OSCE-a misije u BiH na sastanku se obratio riječima: „Sastanak u Visokom je veoma značajan. U društvu ima puno izazova, a to je nešto što žene dobro znaju. Iz tih razloga želimo da sve više čujemo žene i u politici i u općinskom vijeću. Nažalost, realnost je da od ukupno 143 općine u BiH, imamo samo šest načelnica. Ja mislim da moramo da čujemo sve više i ženskih glasova, jer svi imaju pravo glasa i to je princip demokratskog društva.“



NA RUČKU SA KORISNICIMA JAVNE KUHINJE



U prostorijama RO „Merhamet“ Maglaj, održan je zajednički ručak predsjednika HO „Merhamet“ MDD Hajrudina Šahića, direktorice RO „Merhamet“ Maglaj Sanele Omerović i općinskog načelnika Mirsada Mahmutagića sa korisnicima Javne kuhinje u Maglaju. Učenici prvog i trećeg razreda frizerske struke Mješovite srednje škole Maglaj pod vodstvom nastavnice Jasmine Lošić počastili su prisutne domaćim kolačima. Općinski načelnik i predsjednik HO „Merhamet“ MDD pohvalili su aktivnosti srednjoškolaca i istakli da su pokazali primjer svim ostalim u kojem pogledu mladi ljudi trebaju raditi.

OZIMICA



Između općine Žepče i firme „K-PROJEKT“ d.o.o Žepče potpisani je Ugovor o izvođenju radova na unutarnjem uređenju prizemlja i dijela kata na objektu OŠ „Fra Grga Martić“ u Ozimici. Ukupna vrijednost radova je 95.132,89 KM i financiraju se iz donacijskih sredstava iz proračuna Vlade Republike Hrvatske. Nakon izvođenja ugovorenih radova, bit će u potpunosti opremljeno prizemlje novoizgrađenog objekta, što će omogućiti izvođenje nastave u novim učionicama u idućoj školskoj godini. Također, pokušat će se osigurati sredstva za završetak radova na katu, gdje će biti administrativni uredi i tada bi se stvorili uvjeti za rušenje prednjeg montažnog dijela škole.

PROGRAM ZA OPORAVAK OD POPLAVA



U toku redovne eksterne evaluacije koja se sprovodi u ime donatora, a koja je bazirana na procjeni uticaja Programa na oporavak poplavljenih područja, evaluatorski tim je došao u Maglaj. Odabrano je 17 općina i gradova na području BiH, koje je pet eksperata obišlo u prethodnim daniма. Općinski načelnik sa saradnicima koji su bili ispred Općine uključeni u aktivnosti Programa za oporavak od poplava, ugostio je evalulatorski tim. - Dobrodošli u našu općinu, prije svega kao prijatelj našeg Maglaja. Hvala vam na svemu što ste učinili za nas, kao velika porodica koja je mnogo pomogla nakon poplava i klizišta. Hvala i na svim ostalim projektima koji se provode unutar Maglaja. Nažalost, još uvijek imamo objekata koji nisu sanirani od poplava, pa tražimo sve mogućnosti da se i taj problem u konačnici završi, kazao je načelnik Mirsad Mahmutagić. Članove evaluatorskog tima zanimalo je viđenje ovog Programa, načinu na koji je pomogao oporavku od poplava, prioritetima koji su uključeni u sanaciju, te eventualna ocjena svega urađenog. Po završetku sastanka, eksperti sa predstavnicima UNDP-a i Općine Maglaj obišli su nekoliko stambenih, javnih i infrastrukturnih objekata, te poljoprivrednih korisnika kako bi se izvršila procjena kvaliteta provedenih aktivnosti na terenu.



TRI PROJEKTA ARCELORMITTALA

ArcelorMittal Zenica, jedna od najvažnijih industrijskih kompanija u BiH i najveći izvoznik u zemlji, zvanično je inaugurisao tri investiciona projekta ukupne vrijednosti od preko 24,2 miliona KM. Cерemonији u hotelu Zenica prisustvovali su federalni, kantonali i zvaničnici Grada Zenice. Dvije investicije koje se odnose na poboljšanje učinka kompanije u pogledu zaštite životne sredine i jedan projekat dizajniran da modernizuje proizvodnju jednog od najbitnijih proizvoda željezare su zapravo investicije u kompaniju ArcelorMittal Zenica od preko 313 miliona KM, uključujući i 97,7 miliona KM namijenjenih isključivo za poboljšanje zaštite životne sredine. ArcelorMittal Zenica je prva željezara u svijetu koja će imati tehnologiju za hibridno filtriranje velikih srazmjera instaliranu u pogon Aglomeracija. Ukupno šest miliona KM je

uloženo u novu tehnologiju koja smanjuje emisiju prašine znatno ispodgranicu 20 mg/Nm³ koju propisuje EU. Kompanija planira da ove godine započne instaliranje i drugog filtera, na aglo-mašini br. 6. Još jedna investicija od 10,4 miliona KM je učinila AMZ prвom fabrikom ArcelorMittala Europe koja proizvodi rebrasti čelik u koturu. - Ovo će povećati konkurentnost kompanije na vrlo važnom dijelu tržista, zaključio je Biju Nair, generalni direktor ArcelorMittal Zenica. Fuad Kasumović, gradonačelnik Zenice, je poručio da su Zeničani svjesni da iz dimnjaka AMZ nikad neće izlaziti cvijeće, ali da je put kojim je krenuo Mittal, pravi put i za građane Zenice. On je dodao da Zenici treba više radnih mјesta i čišći zrak, te da smo svjedoci sa ova tri projekta da i jedno i drugo idu naprijed.

PROJEKAT ECOSAN

Rezultati projekta "ECOSAN: Smanjenje hemikalija i onečišćenja izvora pitke vode u ruralnim zajednicama u BiH, Albaniji i Makedoniji", prezentovani su nedavno u prostorijama Eko foruma Zenica. Radi se o suhom WC-u koji ne zagađuje okolinu, niti troši vodu, a potencijalno opasni ljudski otpad se preusmjerava, dezinficira i reciklira. Eko Forum Zenica, u partnerstvu sa organizacijama iz Njemačke (WECD), Makedonije (Journalist for Human Rights) i Albanije (Women in Development) pokrenuli su projekt, čiji je cilj da kroz izgradnju EcoSan WC-a, postavljanje filtera za otpadne vode i kompostiranje, pomogne smanjenju upotrebe hemijskih đubriva i zaštiti izvora vode u ruralnim područjima

jugoistočne Evrope. Projekt ima za cilj da se smanji problem zagađenja pitke vode, uzrokovanih širokom upotrebom septičkih jama u ruralnim područjima i lošim upravljanjem vodnim resursima, zbog intenzivne upotrebe hemijskih đubriva i nesigurnog odlaganja otpada. Ogledno područje za Zenicu bilo je selo Gorica.



100.000 MARAKA ZA ZENIČKU BOLNICU



Kompanija BH Telecom uručila je Kantonalnoj bolnici Zenica vaučer donacije od 100.000 KM. Riječ je o donaciji koju je BH Telecom dodijelio prema javnom konkursu iz 2016. godine za finansiranje programa i aktivnosti nabavke medicinskih uređaja i opreme. KBZ je jedna od 32 institucije koja je ispunila uvjete iz javnog poziva za dodjelu donacija, koji je krajem prošle godine raspisao BH Telecom. - Iz dobiti za 2015. godinu, BH Telecom je izdvojio milion KM. Od tog iznosa na početku je izdvojeno 50.000 KM za Zemaljski muzej BiH. Finansiramo 18 javnih kuhinja, a ostatak sredstava rasporedili smo u zdravstvene ustanove, odnosno bolnice i kliničke centre od federalnog i kantonalnog značaja, shodno prihodima koje smo ostvarili na pojedinim područjima. Zahvaljujući činjenici da

smo imali odlične rezultate kako na nivou BH Telekoma, tako i u Regionalnoj direkciji Zenica, odlučeno je da izdvojimo 100.000 KM kao donaciju Kantonalnoj bolnici Zenica, kazao je Mirsad Zaimović, generalni direktor BH Telekoma sa kojim su u društvu bili Tarik Čaršimamović, direktor Izvršne direkcije za tehnologije i razvoj servisa, i Mirza Ganić, direktor Direkcije Zenica. Rasim Skomorac, direktor Kantonalne bolnice Zenica, zahvalio je na velikodušnoj donaciji. - Sva sredstva koja smo dobili od BH Telekoma smo predvidjeli za dodatno opremanje i ispunjavanje potreba za eksplantacijski program. Nadamo se da ćemo i u budućem periodu imati priliku da konkurišemo za donacije BH Telekoma i ostvariti dodatno opremanje ove ustanove na dobrobit svih korisnika usluga, rekao je Skomorac.

RAZGOVOR O PROJEKTU UTOPLJAVANJA KBZ

U posjeti Vladi Zeničko-dobojskog kantona boravila je delegacija EBRD-a, a glavna tema sastanka bila je realizacija Projekta utopljavanja zgrade Kantonalne bolnice u Zenici i izgradnja novog termo-energetskog bloka Bolnice. Projekat je vrijedan oko 16 miliona KM, a finasirao bi se iz kredita EBRD-a. Već urađenim energetskim auditom predviđeno je da energet za zagrijavanje termo-energetskog bloka bude ili bio masa ili plin, a što je jedan od uslova EBRD-a. Na sastanku su precizirane naredne

aktivnosti kao i nosioci aktivnosti. Na ovaj način dugoročno bi se riješio problem dotrajalog termo-bloka izgrađenog 1958. godine, a i utopljavanjem zgrade podigla bi se energetska efikasnost.



INFORMATIČKA OPREMA MJESNIM ZAJEDNICAMA



Nedavno je predata informatička oprema lokalnoj samoupravi Zenica, odnosno mjesnim zajednicama koje aktivno učestvuju u projektu "Jačanje uloge mjesnih zajednica u BiH". U projektu učetvuje šest mjesnih zajednica Grada Zenica: Sejmen, Gradišće, Perin Han, Ričice, Arnauti i Nemila. Vrijednost IT opreme koja im je uručena je 16.065,91 KM. "Jačanje uloge mjesnih zajednica u BiH" je zajednički projekt Vlade Švicarske i Vlade Švedske ukupne vrijednosti 14,5 miliona KM. Za sprovođenje projekta zadužen je Razvojni program Ujedinjenih nacija (UNDP) u BiH u partnerstvu sa Ministarstvom za ljudska prava i izbjeglice BiH, Ministarstvom uprave i lokalne samouprave Republike Srpske, Ministarstvom pravde BiH, Vladom Brčko Distrikta i oba entitetska saveza općina i gradova.

UGOVOR O PRIJEVOZU PENZIONERA

Gradonačelnik Zenice Fuad Kasumović potpisao je sa direktorom JKP "Zenicatrans – "Prevoz putnika" Jusufom Borićem i predsjednikom Udrženja prenzionera / umirovljenika Zenica Fahrrom Klicom, Ugovor o prijevoz penzionera za 2017. godinu u javnom linjskom prijevozu na području grada Zenica. U ovom projektu Grad će učestvovati sa 45.000 KM, što je jedna u nizu podrški ovoj osjetljivoj kategoriji naših sugrađana. S ciljem pomoći podrške penzionerima/umirovljenicima gradonačelnik je sa gradskim Udrženjem penzionera/umirovljenika potpisao i Protokol o osiguranju sredstava za rad klubova za boravak starih lica u mjesnim zajednicama na području Grada Zenica u 2017. godini. - Ovo je najmanje što trenutno možemo uraditi za naše sugrađane u starijoj životnoj dobi, kazao je Fuad Kasumović.

REVIJALNA IZLOŽBA MAČAKA



U organizaciji Neformalne grupe građana "Mace dobrog srca Zenica", u partnerstvu sa Shopping centrom "Džananović" i Pet Shop-om "Mala Šapa", u suterenu SC "Džananović" održana je Prva revijalna izložba mačaka u Zenici. Generalni pokrovitelj izložbe je firma Royal Canin. Posjetiocima su bili u prilici da se upoznaju sa 27 mačaka i osam različitih vrsta. Rase koje su bile izložene su perzijska, sijamska, domaća evropska mačka, Maine Coon, britanska kratkodlaka te Havana, smeđa mačka. Prema riječima Amre Alić, organizatricice izložbe i pokretača NGG "Mace dobrog srca" ovo je prva izložba ovog tipa u Federaciji BiH, a glavni cilj je bio da se svi mačkoljupci okupe na jednom mjestu, a da najmlađi imaju priliku da se druže sa ovim životinjama. Banjalučanka Biljana Gagić-Jevđović, jedina međunarodno registrovana odgajivačnica Maine Coon mačaka "Tabtabcoon" u BiH. Na izložbi u Zenici posjetiocima su mogli vidjeti dvije njene mačke, mužnjaka Orlanda koji nosi titulu dvostrukog internacionalnog šampiona i ženku Korinu koja je dvije godine zaredom bila najljepša ženka Južne Evrope, a jedne godine i najljepša ženka na svijetu rase Maine Coon. Zeničanka Hana Sofić i njen zaručnik Ismir Sačak predstavili su a izložbeni svoju mačku rase Maine Coon staru pet godina koja se zove Akela. Izložba je djelimično bila i humanitarnog karaktera, a svi ostvareni prihodi su namjenjeni za pomoć mladoj umjetnici Sajri Poljo koja treba na operaciju i da nastavi liječenje u Austriji u julu.



SUFINANSIRANJE PLASTENIČKE PROIZVODNJE

Predstavnici deset općina i gradova iz BiH su u Zenici potpisali ugovore o sufinansiraju projektu plasteničke proizvodnje sa organizacijom Muslim Aid BiH. Pomenuti NVO daje 40 posto, koliko će izdvajati i gradovi i općine, a korisnici 20 posto vrijednosti plastenika. Ovim projektom će po 20 korisnika iz Lopara, Novog Grada - Sarajevo, Goražda, Visokog, Zenice, Bihaća, Gradačca, Bužima, Prijedora i Srebrenika dobiti plastenike. - Mi smo u jednoj humanoj akciji. Radi se o projektu kojim NVO Muslim Aid, zajedno sa gradovima i općinama, dodjeljuje plastenike korisnicima. Biće još dva zajednička projekta tokom godine. U ime svih načelnika i gradonačelnika želim da zahvalim donatorima. Želim ih ohrabriti da i dalje rade ovakve projekte za dobrobit građana kako Zenice tako i čitave Bosne i Hercegovine. Sviđa mi se to što je uvedeno da i korisnici moraju participirati jednim iznosom da se ne bi dešavalo da ljudi dobiju nešto, pa to preprodaju, kazao je Fuad Kasumović, gradonačelnik Zenice. Muhammed Ramović, načelnik Općine Goražde, rekao je da je ovo vrlo interesantan projekt, da je dobro da svi učestvuju u lancu provođenja projekta. - Uz to će se poljoprivredni proizvođači educirati te do kraja propratiti ovaj projekt, kazao je Ramović.



Edina Šehić-Saliji, direktorka organizacije Muslim Aid, objasnila je da su iz Australije za ovu priliku došli donatori, supružnici Ron i Wendy Davison, te da oni već treću godinu sarađuju sa Muslim Aidom na projektu. - Iz svake općine ćemo odabrati 20 korisnika kojima ćemo ponuditi startup paket, koji će oni sufinansirati sa 20 posto vrijednosti. U tom paketu će biti plastenik od 100 kvadrata i sistem za navodnjavanje, te sadni materijal za proljetnu i ljetnu sjetu. Korisnici paketa će imati i dvodnevnu edukaciju na kojoj će imati priliku naučiti sve o plasteničkoj proizvodnji, istakla je Edina Šehić-Saliji. Ona je objasnila da Ron i Wendy žele u narednih nekoliko godina da obidu sve općine i gradove u našoj zemlji i da u svakom od njih po 20 korisnika dobije plastenik..

PRIJEM ZA VIJEĆNICE



Gradonačelnik Zenice Fuad Kasumović organizovao je prijem za vijećnice Gradskog vijeća Zenica povodom 8. marta - Međunarodnog dana žena. Gradonačelnik je vijećnicama čestitao praznik i uručio im cvijeće. Također je uputio čestitke svim ženama Bosne i Hercegovine, posebno svojim sugrađankama i poručio da ne odustaju od borbe za bolji ekonomski i politički položaj u državi. Predsjednica Komisije za ravnopravnost spolova Gradskog vijeća Zenica Amela Granić je upoznala

prisutne o nedavno održanom okruglog stolu u organizaciji "Medica" Zenica pod naslovom "Gdje su ženska prava danas u Bosni i Hercegovini?". - Cilj održavanja okruglog stola bio je da se sagledaju ženska ljudska prava u Bosni i Hercegovini iz današnje perspektive, postignuti uspjesi kao i koji su glavni izazovi i kako se sa njima suočavamo, kazala je Granić. Prilikom prijema razmijenjena su mišljenja o aktuelnim prilikama u Gradu Zenica i Gradskoj upravi.

BUBA

SUPERMARKET · MARKETI · MESNICE



PC 96 Vitez; Željeznička stanica Vitez, Stjepana Radića Vitez; Novi Travnik; Busovača, Kiseljak; Zenica; Žepče
Centrala tel: 030/714-209

www.buba-commerce.com

[buba commerce](https://www.facebook.com/buba commerce)

NAŠA PEKARA
100% DOMAĆE

**Svaki dan
svježa peciva
i kolači!**



KARAT KEKS
Koestlin
250g



"Sa nama štedite"
1,95
KM

NAPOLITanke
RUM KOCKE
Koestlin
250g



"Sa nama štedite"
1,95
KM

KEKS MIGNON
Koestlin
230g



"Sa nama štedite"
1,95
KM

KINDER
ČOKOLADA
100g



"Sa nama štedite"
1,95
KM

VINO
GRAŠEVINA
Erdut
1l



"Sa nama štedite"
4,30
KM

BIOAKTIV FLOWER
2U1
5kg



"Sa nama štedite"
9,95
KM

ZENICA PROSLAVILA ROĐENDAN



Povodom 20. marta - Dana Zenice održana je svečana sjednica Gradskog vijeća na kojoj su uručena javna priznanja, a otvorena je i 22. međunarodna kulturna manifestacija "Zeničko proljeće". Zanimljivost je da je svoj rođendan istoga dana proslavio i gradonačelnik Zenice Fuad Kasumović. Iako postoje mnogi tragovi o postojanju naselja na području današnje Zenice još iz rimskog doba, 20. mart 1436. godine je datum kada se prvi put u pisanom dokumentu помиње име Zenica. Taj dokument se čuva u Dubrovačkom arhivu. Nagradu Zenice dobili su: Aldina Aganović, za rezultate postignute u oblasti odgojno-pedagoško kulturnog rada i snažnog utjecaja na sazrijevanje mladih kroz muziku i promociju kulture kroz sve starosne generacije. Klub sjedeće odbojke „ZENICA 92“, za resocijalizaciju ratnih vojnih invalida, postignute sportske rezultate i afirmaciju Zenice i BiH u zemlji i inostranstvu, prof. Munir Selimović, olimpijski trener, za vrhunske rezultate u stručnom i pedagoškom radu u sportu i obrazovanju, te promociju Grada Zenice i države BiH u Evropi i svijetu, prof. dr. Sabahudin Jašarević, za poseban doprinos u razvoju visokog obrazovanja,

naučno-istraživačkom radu i afirmaciji Asocijacije za kvalitet u BiH i policijski komesar ZDK Semir Šut, za unapređenje sigurnosti, afirmaciju rezultata rada u oblasti bezbjednosti i jačanju ugleda Zenice u zemlji i svijetu.



Šut je zahvalio u ime dobitnika priznanja uz objašnjenja da je ovo za njega potvrda ispravnog opredjeljenja da, rukovodeći policijom, zapravo upravlja procesom pretvaranja policije od represivnog i birokratskog aparata u instituciju kojoj se sve više vjeruje i koju naši građani ističu kao dobar primjer. Policijski komesar Semir Šut je nakon sjednice otišao u JU "Dom-porodica" u Zenici, gdje je uručio novčana sredstva od dobijene

nagrade, koja će biti utrošena za uređenje prostorija navedene ustanove. Takođe su, tom prilikom, štićenicima studentima uručeni određeni novčani iznosi, dok su najmlađi štićenici obradovani slatkišima. Muniru Selimoviću je ovo kao nagrada za životno djelo. Rekao nam je da je presretan i da u ovome vidi još jedan podstrek da, dok bude imao snage, nastavi raditi u obrazovanju i sportu. - Ova nagrada nije mogla doći samo mojim djelovanjem. Kao trener i pedagoški radnik ja utičem na omladinu, na sportiste, na način da transformišem njihovu ličnost i njihovo tijelo, a bez njihove podrške i njihovog angažmana to ne bi nikako mogao. Smatram da ova nagrada ide dijelom i prema njima i svim mojim kolegama koji su bili uz mene, sarađivali sa mnom, koji su sada u usponu snage i može biti motiv i njima da rade, da se trude, i nekad možda budu nagrađeni kao što sam ja sada. Kruna mog rada je zvanje olimpijskog trenera i nastup na Olimpijadi 2000. Postignuti rezultati sigurno nebi bili takvi da nisam imao podršku svoje porodice, supruge i sina kojima iskazujem zahvalnost što su me trpili, kazao je Munir Selimović.

PORUKA FUADA KASUMOVIĆA GRADONAČELNIKA ZENICE

Kao gradonačelnik vjerujem da ćemo naše programe provoditi uz više saglasnosti i međusobnog razumijevanja u uslovima potrebe još štedljivijeg raspolažanja javnim sredstvima. Sve vas molim, da nikada ne zaboravimo, da smo ovdje zbog naših građana i poboljšanja kvalitete njihovih života, sredstvima koja su nam oni povjerili, a ne zbog naših ili stranačkih interesa i zadaća. Neka nam vodilja budu europski standardi ali se istovremeno prilagođavajmo željama i potrebama građana Zenice. Siguran sam da će Zenica zahvaljujući nama biti ljepša i naprednija od one za koju smo krajem prošle godine preuzeли odgovornost. Poštovani sugrađani, možemo i trebamo



biti ponosni na svoj grad, na njegovu istoriju, tradiciju i ljepotu i zato hvala generacijama naših sugrađana koje su gradile Zenicu. Zahvaljujući njima, danas živimo u gradu po mjeri čovjeka, poznatom po ljepoti, kulturi, toleranciji i posebno po ljudskoj toplini. Onima

koji u našem vremenu radom dokazuju svoje kvaliteti i promovišu grad u privredi, nauci, umjetnosti, sportu i drugim područjima, tradicionalno se zahvaljujemo Nagradom grada, najvišim gradskim priznanjem, na čemu im kao gradonačelnik čestitam. Dan Zenice - 20. mart je i datum moga rođenja. Zenica nisu objekti i kapitalni projekti, nego njeni ljudi koji moraju biti odlučniji, hrabriji i preuzeti sudbinu u svoje ruke. Bit ću sretan i ponosan da Grad i ja zajednički proslavimo naredni rođendan sa većim brojem zaposlenih i uz zadovoljnije sugrađane. Naš zajednički projekt treba biti ekonomski jaka, multietična, europska, a naša – Zenica. Svim Zeničanima čestitam Dan Zenice.



ĆIMBURIJADA

Više hiljada Zeničana kao i svakog 21.marta u posljednjih nekoliko decenija su na specifičan način obilježili ovaj dan okupljajući se na tradicionalnoj Čimburijadi. Lijepo vrijeme izmamilo je mnoge da se presele na desnu obalu rijeke Bosne od Drvenog mosta, Ušća, Ade i Jagnjišća do Željezničkog mosta na Kamberovića polju. Ne može se sa sigurnošću utvrditi kada su stanovnici Zenice počeli prvi dan proljeća obilježavati izlaskom i okupljanjem na obali rijeke Bosne, družeći se uz razgovor, pjesmu

i obavezno pečenje čimbura. Po nekim predanjima, taj običaj postoji preko stotinu godina. Spravljen je i podijeljen čimbur od 1.500 jaja koje je sponzorirao zenički privrednik Rasim Salčinović i njegov Nacionalni restoran. Uz već tradicionalna događanja, čimburijada je obogaćena nastupima kulturnih i sportskih društava i klubova, kao i učenika osnovnih škola zahvaljujući koordinatoru aktivnosti Forumu građana Zenice. Također je održan i rafting na rijeci Bosni, kao i kupanje prvog kupača.



SFERE

Dvadeset druga međunarodna kulturna manifestacija Zeničko proljeće započela je 20. marta i trajeće do 12. aprila, između datuma koji su itekako bitni za Zenicu, za njen rođendan i dan oslobođenja od nacista u 2. svjetskom ratu. - Za 23 dana će se održati 44 programa iz svih sfera kulture, pozorišne djelatnosti, književne, muzičke, likovne, muzejska a održaće se i jedan okrugli stol, kazao je Zijad Softić, pomoćnik gradonačelnika Zenice za društvene djelatnosti. Ove godine se obilježava stotinu godina od rođenja Maka Dizdara, velikog bh. književnika čija su djela prevedena na 50 jezika. Biće posvećena tri programa vezano za njegova djela. Poruka ovogodišnje manifestacije su sfere. Nedžad Fejzić je objasnio da na tragu velike obljetnice od rođenja Maka Dizdara da su htjeli "da uvedu u taj sferični oblik sve ono što je proizvodnja duha". Ta sferičnost, to dodirivanje različitih oboda, dodirivanje istovremeno istog i različitost je u temelju svakog kulturnog traga i napora, pa, veli, ove godine i Zeničko proljeće će biti u znaku tog sferičnog dodirivanja istog i različitog. Različitost sadržaja, programa, potvrđuju tezu da se, bez obzira na različitost utjecaja i sfera može govoriti o jedinstvenoj ljudskoj sferi.

Art ideJA




Nedavno je počelo sa radom Udruženje umjetnika Zeničko-dobojskog kantona "Art ideJA" koje je nastalo sa ciljem da promoviše umjetnike svih opredjeljenja, te da pruži mogućnosti svima onima koji žele da uče i da upoznaju umjetnost. Upravni odbor Udruženja "Art ideJA" čini 11 članova. To su: počasni predsjednik Alija Kulenović, predsjednica Zuhra Bajramović-Halač, potpredsjednik Hazim Talić, generalna sekretarka Jaminka Džinić te Emin Skomorac, Elhana Grab, Indira Šabanović, Bruno Lozančić, Merima Handanović, Selma Tabaković i Amir Halač. Jasmina Džinić, generalna sekretarka Udruženja je objasnila da će u okviru udruženja djelovati četiri sekcije, u okviru kojih će svi zainteresirani imati priliku da uče sa već dokazanim umjetnicima. Voditelj sekcije likovne umjetnosti, slikar Emin Skomorac je najavio značajne i zanimljive događaje, te organiziranje likovnih kolonija, druženja, kao i časova slikanja. Naglasio je da je cilj okupiti sve ljubitelje slikarstva i djelovati u cilju prikazivanja naših umjetnika i izvan BiH. Selma Tabaković, voditeljica muzičke sekcije i violinistkinja zajedno sa Eminom Sinanović predstavila je

rad ove sekcije, pozivajući sve ljubitelje muzičke umjetnosti da se pridruži Art ideJA, uz želje da uskoro oformi orkestar Udruženja. Najbrojnija sekcija Udruženja Art ideJA je sekcija hobista, kojom rukovodi Elhana Grab. Ona je u svom obraćanju istakla važnost ove sekcije, jer se pruža mogućnost svima da steknu određene vještine i da pronađu svoj stil rada. Ova sekcija je po raznovrsnosti tehnika najšireg opusa i uvodi razne mogućnosti zabave i relaksacije. Književnom sekcijom Udruženja umjetnika ZDK "Art ideJA" rukovodi književnica Merima Handanović, koja je u svom obraćanju najavila djelovanje u dva segmenta, kroz domen rada na retorici i lijepom govoru i kroz radionicu kreativnog pisanja, napomenuvši da je književna sekcija mjesto za sve ljubitelje lijepo rijeći. Predsjednica Udruženja Zuhra Bajramović-Halač je pozvala umjetnike da se učlane u ovo udruženje i svojim radom doprinesu kulturnoj i umjetničkoj zajednici svoga grada, kantona, ali i države Bosne i Hercegovine. Takoder se zahvalila grafičkom dizajneru, koji je kreirao logo Udruženja, Zlatanu Alispahiću.

Studio Teatar

Prije mjesec dana u Zenici je osnovan "STUDIO TEATAR", mala teatarska trupa koja ima za cilj promociju i razvoj kulturnih aktivnosti. Iza ove ideje stoji nekoliko mladih ljudi okupljenih oko tri predstave koje su uradili u nezavisnoj produkciji. Inicijator ideje je Nusmir Muhamremović, glumac koji igra u sve tri predstave. Radi se o komediji "Državni lopop", duodrami "Derviš i smrt" i predstavi za djecu "Dječak koji ne želi da odraste". Od sada će ove predstave biti dio repertoara "STUDIO TEATRA". U ovim predstavama osim Nusmira igraju i Zlatan

Školjić, Irfan Kasumović, Daniel Kovačević, Adem Smailhodžić i Mirza Mušija. Izuzetno bitan dio ovog tima čini i mladi BH pisac Mirza Begović. Želja ekipe STUDIO TEATRA je da za par godina postanu prepoznatljivo teatarsko ime na BH pozorišnoj sceni, ali naravno i šire. Tri pomenute predstave, zajedno, do sada imaju preko 150 izvođenja, sa više od 60.000 ljudi koji su vidjeli bar jednu od ove tri predstave.



PREDTAKMIČENJE ZA FOTOMODEL BIH 2017.



U prepunom Real centru Kakanj održan je Izbor fotomodela općine Kakanj za Fotomodel Zeničko-dobojskog kantona 2017. Dvadeset lijepih mlađih dama predstavilo se u tri izlaska. Žiri je imao težak zadatak da odabere osam najboljih koje će Kakanj predstavljati na kantonalm izboru zajedno sa još 30 djevojaka iz drugih gradova. Na kraju prekrasnog programa žiri, publika i direkcija su odlučili da na kantonalno takmičenje idu Martina Stjepić kao 2. fotomodel Facebooka, Almedina Spahić osvojila je titulu Fotomodel Facebooka sa više od 1.000 lajkova, titulu Fotomodel medija osvojila je Dženita Banjić, Fotomodel šarma je Velida Sikira, titulu TOP Fashion model ponijela je Nirvana Beganović, druga pratilja Fotomodela općine Kakanj je Aldijana Jusić, dok

je titulu prve pratilje ponijela Amra Ahmetović. Titulu najbolje po ocjeni žirija i direkcije ponijela je Minela Omerović, rekao nam je Haris Hasanica, direktor Modne agencije Fashion iz Zenice, koja je organizator projekta Fotomodel BiH. Ovo je četvrti predtakmičenje, a kako navodi Selma Hasanica, projekt-menadžer, do finalnog izbora planiraju još 19 predtakmičenja širom BiH.



PJESMOM I IGROM ZA ELMEDINU KOVACEVIC

Pjesmom i igrom za Elmedinu Kovačević, naziv je humanitarnog koncerta koji je održan nedavno u Hrvatskom domu "Kralj Tomislav" u Zenici sa kojeg prihod od prodanih ulaznica ide za liječenje oboljele 15-godišnje Zeničanke. Učesnici koncerta bili su Gradsко umjetničko društvo "Filigran" iz Zenice, njegov Narodni orkestar i vokalni solisti te gosti Dražen Čolić, Omer Kadrić, Andelka Pušić i Hajrudin Halač Heli. U programu su učestvovali i roditelji naše djece koji su napravili kolačiće od čije prodaje je novac dat za liječenje Elmedine Kovačević. - Na prijedlog članica GUD Filigran koje su nas izvestile da imaju kolegicu koja je teško oboljela i potreban joj je novac za liječenje, odlučili smo se organizovati ovaj koncert. U petak i subotu smo imali štand pred Robnom kućom "Bosna" gdje smo

prodavali učaznice po cijeni od tri KM, kazao je Melih Karan, rukovodilac GUD "Filigran". Poznati interpretator sevdalinki i folk pjesama te humanista Hajrudin Halač - Heli rado se, veli, odazvao na poziv da učestvuje na koncertu. - Čovjek treba da bude dobromjeran, da pomogne ako je u prilici, posebno ako je to za pomoći nekoj mlađoj osobi kao što je to slučaj sada. Meni je velika čast da sam dio ovog projekta, istakao je Heli.



SANIRANJE FASADE BNP-A

Osim sanacije dijela ravnog krova na zgradi Bosanskog narodnog pozorišta Zenica, kako bi se spriječili prokišnjavanje i stvaranje vlage, krenulo se u saniranje fasade zgrade. U planu je i postavljanje staklenih ploha koje su razbijene u januaru 2016. uslijed olujnog revremena. Rad na sanaciji fasade najpoznatije kulturne institucije u Zeničko-dobojskom kantonu je, kako kažu iz zeničkog pozorišta, svojevrsna pobjeda nad propadanjem kulture naše zemlje.

PREDSKAZANJE, OLIVERE SLIPAC



U klubu „Plava paleta“ Održana je promocija druge stihozbirke mlade gornjovakufske pjesnikinje Olivere Slipac čiji je izdavač bila udruga „Providenca“ iz susjedne nam Hrvatske. U uvodnom slovu domaćin i književnik Emir Sokolović je rekao da je mali broj autora u suvremenoj prozi koji se usude odvažiti da rade ovako harizmatičnu i hermetičnu zbirku poezije. Knjiga je, kako smo imali priliku čuti, nastajala u jako kratkom vremenskom intervalu, gotovo u hipu i sa sobom je donijela emotivnu erupciju kojom je autorka oslikala svoje emitivno stanje uslijed gubitka majke. Ali na način na koji je pobijedio lično i bol donio do simbola kako bi svaki čitalac kroz stihove taj bol doživio kao lični. Sama autorka, pjesnikinja Olivera Slipac, se zahvalila publici i domaćinu apostrofirajući kako ima izuzetnu satisfakciju da njena miljenica, zbirka poezije „Predskazanje“, svoj život započinje na tako kultnom kreativnom mjestu kao što je klub „Plava paleta“.



JUDO KLUB "NOVA BILA"

Judo klub „Nova Bila“ pokrenuo je svojevrsnu judo – karavanu sa ciljem promocije judo sporta i tjelesne aktivnosti uopće. Članovi ovog kluba realizuju ideju profesora Vlatka Nevjetića, obilaze osnovne škole kako bi prezentirali svoje vještine, ali i ukazali na značaj tjelesne aktivnosti za očuvanje zdravlja. - Želimo ukazati i djeci i roditeljima na značaj bavljenja sportom i na značaj fizičke aktivnosti. Mi promovišemo judo sport, ali i fizičku aktivnost u cijelini, kaže Nikola Biljaka, trener u JK „Nova Bila“. Judo karavana posjetila je već nekoliko osnovnih škola na području travničke i vitezke općine i dalje nastavlja svoj put. Zabilježili smo njihovu posjetu školi u Staroj Biloj u općini Vitez.

RUKOMET

Rukometaši Krivaje slavili su u kantonalmu derbiju protiv Čelika 35:29 u okviru 20. kola Premijer lige BiH. Uz veliku podršku navijača s tribina, rukometaši Krivaje su stigli do druge uzastopne pobjeda na domaćem terenu. Krivaja je u ovoj susret ušla sa epitetom blagog favorita, što je opravdalo od samog starta utakmice. Domaća ekipa je cijelim tokom susreta imala prednost, a ista je u prvom dijelu rasla i do četiri razlike, da bi se na odmor otišlo rezultatom 19:17. U nastavku rukometaši Krivaje ubacuju u brzinu više i brzo povećavaju prednost, da bi na kraju stigli do zaslужene pobjede rezultatom 35:29. Najefikasniji u redovima Krivaje bio je Ferid Avdić. Ekipa iz Zavidovića ovom je pobjedom svakako povećala šanse da opstane u Premijer ligi, dok su Zeničani na korak od ispadanja.

PAVIĆ PONOVO U ČELIKU



Remijem 2:2 protiv ekipе Mladosti iz Doboja kod Kaknja nogometari Čelika dodatno su otežali ionako tešku situaciju u borbi za opstanak. Gosti su na Bilinom polju dva puta vodili, a Zeničani dva puta stizali rezultat, ali za potpuni preokret nisu imali snage, a čini se i dovoljno motivacije. Upravni odbor je nakon ovog kola smjenio dosadašnjeg trenera Nedima Jusufbegovića, a na njegovo mjesto imenovao Borisa Pavića. Pavić

je sa velikim uspjehom već vodio ekipu Čelika, ali je zbog problema oko radne dozvole morao napustiti Bilino polje. Ovaj put se vraća da pokuša spasiti gotovo beizlaznu situaciju u kojoj se Čelik nalazi. Pomoćnici Borisu Paviću će biti Aldin Đidić, Senad Brkić i Almir Tolja. U srijedu su nogometari i stručni štab otputovali na mini-pripreme u Međugorje gdje će se ekipa temeljito pripremiti za nadolazeće sportske izazove u doigravanju za opstanak. Pred ekipom sa Bilinog polja je „nemoguća misija“ u ligi za opstanak jer za najbližim ekipom ispred sebe zaostaju osam bodova koje će biti vrlo teško nadoknaditi. Ekipa Mladosti ima dosta komotonu situaciju jer Čeliku bježe ogromnih 13, a Olimpicu 15 bodova. Ekipa Viteza će također morati da se pripazi u ligi za opstanak bez obzira što Čeliku bježe 10, a Olimpicu 12 bodova.

LIGA MLADIH



Iako je bila planirana za 18. mart, košarkaška liga mladih počet će sedam dana kasnije, odnosno 25. marta. Liga se igra u organizaciji košarkaškog Saveza Bosne i Hercegovine. Zenica će u ovoj ligi biti zastupljena sa pet klubova, odnosno sedam selekcija. Klubovi učesnici iz Zenice su: OKK Čelik, KK Abeceda, KK Kengur, KK BH Start i KŽK Čelik. Liga će se igrati u pet starosnih kategorija: pioniri, kadeti, juniori, te kadetkinje i juniorke do 18 godina. Ova liga je na neki način ujedinila i zeničke klubove koji su

organizovali zajedničku press konferenciju na kojoj su potvrdili opredjeljenost međusobne saradnje kako u ovoj ligi, tako i poslije nje. Učesnici konferencije su naglasili neophodnost veće podrške omladinskom sportu kroz sponzorstvo i obezbjeđivanje dvorana za trenažni proces. Osim zeničkih ekipa u ligi mladih učestvuju ekipе iz Sarajeva, Trebinja, Posušja, Livna, Tuzle i drugih gradova BiH. Liga mladih igraće se u dvorana na Bilmušču, KŠC Sveti Pavao i Areni Zenica. Finalni turnir planiran je za 23. i 24. juni.

POBJEDA KOŠARKAŠA ČELIKA

Košarkaši Čelika savladali su Gradinu iz Tešnja 110:71, u okviru 18. kola A1 lige BiH. Domaćini su u ovaj duel ušli kao favoriti, što su na kraju i pokazali, te su zaslужeno slavili visoku pobjedu rezultatom 110:71. U redovima Čelika najefikasniji su bili Armin Bilić sa 25 poena i 10 skokova, Ahmet Begić dodao je 16 poena i 6 skokova. U redovima Gradine jedini raspoložen bio je Ibrahimkadić sa 31 poenom uz 6 skokova.



STAKLENE PRIZME

Staklena prizma danas je vrlo korištena, ne samo u izgradnji ili dekoraciji vanjskih dijelova objekata, nego se sve više koristi za izradu pregrada, pultova, šankova i drugih funkcionalnih, ali i dekorativnih elemenata.

U našoj prodaji možete naći široku paletu boja staklene prizme.

kristal®
Vaš svijet stakla



Poslovni centar 96
72250 Vitez BiH
T +387 30 717 733
F +387 30 713 111

info@kristal.eu
www.kristal.eu

AMAR BORIĆ, PRVAK BEZ BAZENA

Amar Borić, član Plivačkog kluba Zenica - Željezara, prvak je BiH u disciplini 200 metara leđno u juniorskoj i apsolutnoj kategoriji, te viceprvak u juniorskoj kategoriji u disciplini 200 metara mješovito. To je ostvario nedavno u Sarajevu na olimpijskom bazenu Otoka na zimskom Državnom prvenstvu u plivanju na 50-metarskom bazenu na kojem je učestvovao 351 takmičar iz 21 kluba iz cijele BiH. Borić, koji je već dvije godine jedini plivač u Zenici, osvojio je osam medalja u Sarajevu, od čega su dvije zlatne na 200 metara leđno u juniorskoj i apsolutnoj kategoriji, jedno srebro u juniorskoj kategoriji disciplina 200 mješovito, te pet brončanih medalja u juniorskoj kategoriji (50 leđno, 100 leđno, 50 prsno, 200 prsno i 200 mješovito). Amar je proglašen za najboljeg juniora Zenice za 2016. i jednog od troje najboljih juniora ZDK-a za prošlu godinu. Da bi trenirao, mora ići u Sarajevo, s obzirom na to da jedini zatvoreni bazen u Zenici i ZDK-u nije u funkciji već 14 mjeseci. Iz PK Zenica - Željezara po ko zna koji put traže od svih nadležnih organa zaduženih za sport na nivou grada i Kantona da ulože do datne napore kako bi bazen u SRC-u Željezare Zenica stavili u funkciju i time stvorili uslove da ga kategorije stanovništva mogu koristiti, a samim tim da i plivači imaju mjesto gdje da treniraju.



AMEL TUKA I KANITA BILIĆ NAJBOLJI U ZENICI



Amel Tuka i Kanita Bilić, članovi Atletskog kluba Zenica, proglašeni su za najbolje sportiste grada Zenice za 2016. godinu, dok su u konkurenciji osoba sa posebnim potrebama najbolji Zerina Skomorac (SKOSI) i Salih Kozlić (KSO Čelik '07). Umjesto Kanite koja je trenutno u Njemačkoj, nagradu je preuzeo njen otac Predrag Bilić. Najbolji junior je Amar Borić (Plivački klub Zenica - Željezara), juniorka Maja Dodik (Teniski klub Mladost), a za sportske nade proglašeni su: Dino Marković, Edin Šećibović, Maid Redžić, Harun Smajlagić, Lana Zakić, Fatih Šišić, Hanan Jusufović, Ena Šehović, Ismail Memić, Harun Huseinspahić, Benjamin Muslić, Sara Heljić, Ensar Kožo, Irma Numanović i Amna Hasičić. Najbolji sportski kolektivi su: Atletski klub Zenica, Stonoteniski klub Mladost i SRK Bosna te

Klub sjedeće odbojke Čelik '07. Najbolji treneri su: Mehmed Skender (Atletski klub Zenica), Ermin Mušinović i Kenan Uzunović (Ragbi klub Čelik) i Mirza Dizdarević (Stonoteniski klub Mladost), te u invalidnom sportu Mirsad Redžić (SKOSI). Najbolji sportski radnici su: Suad Kaknjo (AK Zenica), Ekrem Tuša (SRK Bosna) i Vladimir Željko (ŠR Čelik Junior). Priznanja za razvoj sporta u Zenici u radu sa mlađim kategorijama dobili su SD Winner sportska škola, ŠR Čelik Junior i KK Kengur. Priznanja sportskog saveza grada Zenice za razvoj sporta osoba sa invaliditetom dobili su Tarik Hrustić i Emilia Batarilo. Priznanje za promociju Zenice u međunarodnom sportu dobili su Edin Konjić, Mesud Pezer, Bahrudin Mahmić i Ena Oruč, dok je za sportskog uzora proglašen Hamza Alić.

SKUPŠTINA NS ZDK

Odlukom Skupštine Nogometnog saveza Zeničko-dobojskog kantona, Sulejman Čolaković je na imenovan za počasnog predsjednika NS ZDK. U obrazloženju odluke stoji da je Sulejman Čolaković kao dugogodišnji sportski radnik dao veliki lični doprinos u razvoju nogometa u BiH obavljajući funkciju predsjednika krovnog saveza kao i predsjednika kantonalnog saveza u više mandata. Kao rezultat ličnog angažovanja na unapređenju nogometne infrastrukture na području Grada Zenica je izgradnja Trening centra NFS BiH u Zenici. Na skupštini je usvojen izvještaj o radu u 2016. godini. Savez je imao prihode u iznosu 129.914,51 KM, a rashodi su bili



128.676,54 KM. Plan prihoda za tkuću godinu je u iznosu od 160.000 KM. Glavni ciljevi rada Saveza za naredni period biće unapređenje sportske infrastrukture, omasovljenje omladinskog nogometa kao i edukacija službenih lica i nastavak uvođenja KOMET sistema u takmičenje omladinskih kategorija.

45 GODINA RAGBI KLUBA ČELIK ZENICA

Ragbi klub Čelik iz Zenice ove godine proslavlja 45. rođendan. Tim povodom održan je niz događaja, a jedan od njih je i izložba "Čelični vukovi iz Zenice" koja je otvorena u Muzeju grada Zenice. O jednom od najtrofejnijih sportskih kolektiva u BiH i samom ragbiju u našoj zemlji govorili su Goran Zovko i Samir

Fetić, predsjednik i potpredsjednik RK Čelik, te Semir Mahić, predsjednik Ragbi saveza BiH i Denijal Keserović, tehnički sekretar RSBiH. - Sa izložbom u Muzeju grada Zenice želimo građanima prezentirati svu istoriju kluba. Zenica je bila prepoznatljiva po ovom klubu prije, kazao je Goran Zovko, prvi čovjek RK Čelik. Samir Fetić je istakao da će cijela 2017. biti u znaku obilježavanja četiri i po decenije kluba. U toku je osnivanje ragbi ekipe Vukova, starih ragbijaša, te je pozvao sve stare ragbijaše Čelika da se uključe se u organizaciju Ragbi vukova koji će naljetno održati turnir u Zenici. - Ragbi klub Čelik i danas je osnica reprezentacije. Većina igrača dolazi iz našeg najtrofejnijeg kluba. Čelik je 26. septembra 1992. kao reprezentacija BiH odigrao prvu oficijelnu utakmicu jedne reprezentacije u bilo



kojem kolektivnom sportu u našoj zemlji. Gostovali smo tog dana u Splitu i igrali protiv reprezentacije Hrvatske. Ragbi savez BiH se uključio u obilježavanje 45 godina Ragbi kluba Čelik. Jedna od aktivnosti koja će se provesti je organizacija turnira u olimpijskom ragbiju 7. u julu na Kamberovića polju u Zenici, gdje bi trebalo učestvovati 12 ekipa sa Balkana uz možda Francusku, Češku, Austriju i Mađarsku, naglasio je Semir Mahić. Mahić je pojasnio da je Ragbi savez BiH ujedno i prvi sportski savez naše zemlje koji je priznat u evropsku asocijaciju svog sporta. Bilo je to u maju 1992. godine na generalnoj skupštini FIRA-AIR uz veliku pomoć predstavnika Ragbi saveza Hrvatske. Denijal Keserović zahvalio je uposlenicima Muzeja grada Zenice koji su pružili ogromnu pomoć vezano za izložbu.

TURNIR U SJEDEĆOJ ODBOJCI



Klub sjedeće odbojke „Čelik 07“ iz Zenice bio je organizator prvog pozivnog međunarodnog turnira u sjedećoj odbojci koji se igrao povodom 20.marta, Dana Grada Zenice. Pored kluba domaćina nastupili su još IOK „Zenica 92“, OKI „Vitez“, KSO „Iskra“ Bugojno, OKI „Kakanj“ i KSO „Vukovar“. Nakon šest utakmica u grupama, odigrana je utakmica za treće mjesto u kojoj je „Zenica 92“ sa 2:1 u setovima slavila protiv Viteza. U finalnoj utakmici sastali su se domaćin „Čelik 07“ i „Iskra“ iz Bugojna. U zanimljivoj i

kvalitetnoj predstavi slavili su Bugojanci sa 2:1 u setovima (23:25, 25:18 i 9:15). Svim učesnicima turnira dodjeljene su zahvalnice, a za tri prvoplasirane ekipе obezbjedene su diplome i pehar. Također, organizatori su obezbjedili i prigodan poklon, tortu i loptu sa potpisima svih igrača „Čelik 07“, gradonačelniku Fuadu Kasumoviću povodom njegovog rođendana, a ujedno, gradonačelnik je bio i generalni pokrovitelj turnira. Ova sportska manifestacija završena je zajedničkim ručkom svih učesnika.



ZENIČKI ŠKOLARCI DOBRO SKIJAJU

U organizaciji Društva pedagoga fizičke kulture Zenica, na Vlašiću je održano takmičenje u alpskom skijanju, disciplina veleslalom, za učenice i učenike osnovnih i srednjih škola grada Zenice. Ovo takmičenje je dio stalnog programa Malih olimpijskih igara koje se provode od 1968. godine u Zenici. Nastupila su 133 takmičara, od kojih je četvero gostiju iz Sarajeva i Visokog. Bilo je četvero predškolaraca, 88 učenika osnovnih i 41 učenik srednjih škola. Kategorije takmičenja su bili razredi koje takmičari pohađaju. - Takmičenje je prošlo u najboljem redu iako vremenski uslovi nisu bili idealni. Zahvaljujemo na pomoći Sportskom društvu Winner, Ski-klubu Zenica, Ski-klubu ZE-2010 i firmi RM-LH d.o.o. Zenica na pomoći u organizaciji i provođenju takmičenja. Posebnu zahvalnost dugujemo upravi skijališta Vlašić i Malim olimpijskim igrama, kaže Jure Miljak, predsjednik DPK Zenica. Najbolja ostvarena vremena u kategoriji osnovnih škola kod dječaka imao je Alen Bičakčić iz OŠ „Meša Selimović“ - VII razred sa vremenom 24.03, a kod srednjih škola Dženan Malkić iz Ekonomskе škole - III razred sa vremenom 24.34. Kod djevojčica iz osnovnih škola najbrža je bila Farah Pripoljac iz OŠ „Meša Selimović“ - VII razred sa vremenom 27.06, a u srednjim školama Doris Miljak iz KSC-a „Sv. Pavao“ - II razred sa vremenom 28.66.

RAGBI KLUB VITEZ



Ragbi liga klub Vitez, nakon prošlogodišnjih međunarodnih nastupa, za ovu godinu planira podizanje natjecanja na višu razinu. Pod pokroviteljstvom RLEF ove godine igra se liga kojoj sudjeluju klubovi iz BiH, Mađarske, Srbije, Bugarske i Turske. RLK Vitez je u grupi Zapad sa ekipama iz Mađarske, Partizanom i Novim Beogradom iz Srbije, dok su u grupi Istok Crvena Zvezda, Dorćol, Lokomotiva, Sofija

i Kadikoy, Turska. Na jesen se igra domaće prvenstvo i Kup BiH. Pored ovih aktivnosti RLK Vitez, u svojstvu reprezentacije nastupa na Europskom prvenstvu u ragbiju 9 i Balkanskom Kupu u ragbiju 13. Kao nositelj aktivnosti razvoja Ragbi lige, RLK Vitez radi na formiranju novih klubova u BiH, u tijeku su Sarajevo i Novi Travnik. Sve u svemu u tijeku je bogata sezona.



**NOVI
CITROËN C3**
JEDINSTVEN KAO I TI.

CITROËN

36 KOMBINACIJA BOJA

UPOZNAJ GA UŽIVO

S ConnectedCAM Citroën™

CITROËN promocije TOTAL. Porečka vali samo kod ovlaštenih distributora vozila Citroën u BiH. Slike su simbolične. Gjemeći sadrži popust za poslovne subjekte. Pomenute prednosti vozila i opreme su dostupne kao standardna oprema ili uz dodatnu, u zavisnosti od nivoa opreme i verzije vozila. Komboinovana potрошnja: 3,2 – 4,9 l/100 km. Više informacija na www.citroen.ba.

citroen.ba

samo 6 koraka do lijepog osmjeha



SVJETSKI DAN ORALNOG ZDRAVLJA

Svjetski dan oralnog zdravlja obilježava se 20. marta svake godine kako bi se promovisalo poboljšanje oralnog zdravlja širom svijeta. Cilj je istaknuti važnost održavanja čistih i zdravih zuba, educirati šиру javnost o pravilnoj njezi usne šupljine i razvijati svijest o važnosti oralne higijene kao predušlova za oralno zdravlje pojedinca.

Nažalost, već dugi niz godina podaci ukazuju na loše stanje oralnog zdravlja stanovništva u BiH i upozoravaju na ozbiljnost problema, jer je ono, nesumnjivo, preduslov zdravlja cijelog organizma. Oralno zdravlje se temelji na:

- oralnoj higijeni,
- ispravnoj i uravnoteženoj prehrani,
- redovnim kontrolnim pregledima i potrebnom liječenju.

Oralno zdravlje važno je za funkciju žvakanja i govora, ali i estetiku, tako da osobe narušenog oralnog zdravlja osim funkcionalnih, imaju i različita sociološka ograničenja koja se najviše manifestuju u problemima komunikacije te nedostatku samopouzdanja.

Institut za zdravlje i sigurnost hrane Zenica u sklopu obilježavanja Svjetskog dana oralnog zdravlja organizovao je interaktivno predavanje i radionicu u prostorijama vrtića Radost JU za predškolski odgoj i obrazovanje Zenica 17. marta 2017. godine.

Stomatolog, dr. Maida Terzić, djeci je približila značaj oralnog zdravlja. Prezentovan je način pravilnog pranja zuba i održavanja oralne higijene uz korištenje anatomskega modela vilice i zuba.



Tokom ove školske godine Služba za školsku higijenu Instituta za zdravlje i sigurnost hrane provodit će edukaciju o oralnoj higijeni u svim vrtićima na području Zeničko-dobojskog kantona. Glavni partner u provođenju ovih aktivnosti jeste svjetski poznati brend CURAPROX koji je donirao četkice i diplome za mališane u vrtićima širom Zeničko-dobojskog kantona.



INSTITUT ZA ZDRAVLJE
I SIGURNOST HRANE

Fra Ivana Jukića 2, 72 000 Zenica, Bosna i Hercegovina
tel: 38732 448-001, www.inz.ba

SAVJETI ZA OČUVANJE ORALNOG ZDRAVLJA:

- pravilno i temeljno perite zube najmanje dva puta dnevno (ujutro i uvečer) te koristite konac za zube ili međuzubnu četkicu barem jednom dnevno,
- čistite jezik svakodnevno, na taj način ćete se riješiti velikog broja bakterija i neprijatnog zadaha,
- redovno mijenjajte četkicu za zube, svaka 2-3 mjeseca ili ranije ukoliko utvrđite da su vlakna oštećena,
- koristite Zubne paste sa fluoridima,
- koristite rastvore za ispiranje usta po preporuci stomatologa,
- hranite se uravnoteženo,
- izbjegavajte međuobroke i grickalice između obroka,
- javljajte se redovno na kontrolne preglede kod stomatologa, najmanje dva puta godišnje,
- redovnim kontrolama stomatologa učinit ćete svoje zube bijelim i lijepim, tako da ćete se osjećati zadovoljno i samopouzdano,
- ukoliko primijetite Vi ili neko od Vaše porodice da noću „škrguće“ Zubima obavezno to napomenite stomatologu.

Bolesti usne šupljine utiču na cijelokupno zdravlje – zdravi zubi su zdrav život.

Elma dr Kuduzović

Viši stručni saradnik za socijalnu medicinu
Institut za zdravlje i sigurnost hrane Zenica

GASTRO KUTAK



Uštipci sa sirom

Sastojci:

- 2 jajeta
- 200 ml mlijeka
- 2 kašike ulja
- 1 kašićica soli
- 1 kesica praška za pecivo
- 300 g Klas brašna
- 150 g svježeg sira



Priprema:

- U vanglicu razbiti jaja i umutiti ih žicom za mučenje. Ne treba ih mnogo mutiti. Sipati mleko i ulje, pa žicom sjediniti. Pomešati brašno, prašak za pecivo i so, pa dodati u mešavinu sa jajima. Dobro umutiti, da nema grudvica.
- U manju šerpicu sipati ulje (prst debljine), ugrijati ga, pa kašikom (koja se svaki put prije uzimanja tijesta provuče kroz ulje) uzimati tijesto i pomoći manje kašićice

spuštati ga u zagrijano ulje. Uštipke pržiti na srednjoj temperaturi, da ne bi unutra ostali neprženi.
• Pržene uštipke, kada dobiju lijepu rumenu boju (kada se isprži jedna strana okrenuti ih da i druga strana porumeni) vaditi na kuhinjski papir, da bi papir upio višak masnoće.
• Puniti ih svježim sirom i poslužiti sa jogurtom. Idealna kombinacija je i sa džemom od višanja.

Refija Bajramović, Zenica

Šaljite nam vaše recepte sa Klas proizvodima. Najsretnije očekuje poklon paket Klas proizvoda.



Mufini

Sastojci:

- 2 jaja
- 8 kašika šećera
- 1 pavlaka (180ml)
- 2dcl ulja

- 8 kašika Klas brašna
- 3 kašike kakaa
- 1 prašak za pecivo
- 1 vanilin šećer

Priprema:

- Sve suhe sastojke (brašno, kakao, prašak za pecivo i šećer) sjediniti pa staviti u posebnu posudu.
- U drugu posudu dodati sve mokre sastojke (jaje, ulje, pavlaka) i vanilija, šećer. Kratko izmišati, tek da se sve poveže.
- Žice miksera spustiti u suhe sastojke i mutiti na najmanjoj brzini, ulivajući mješavinu mokrih sastojaka.
- U kalup za mafine postlagati papirne korpice. Smjesu rasporediti u korpice (nešto više od polovine) i peći u predhodno zagrijanoj rerni od 180°C, 20ak minuta ili dok čačkalica iz sredine



Anamarija Hrgić, Zenica



Ovog se proljeća nose košulje!

Upečatljivi modeli i odlične kombinacije. Jedan od onih statement komada koji se mogu nositi uvijek i u svakoj prigodi, bez obzira na trendova, svakako je košulja. Košulje i bluze ovog su proljeća veliki hit, a one su sve samo neobične.

Želite li začiniti svoj outfit te razbiti monotonijsu svog stylinga, svakako bacite oko na neobične modele košulja čija je ponuda kod popularnih high street brendova ove sezone uistinu bogata. Neobičan dizajn, prugice, volani, asimetričnost... Nema čega nema kad su košulje u pitanju, a na vama je samo da odaberete one modele koji će se najviše uklopiti u vaš styling.



Priprema kože za proljeće

Koža tokom zime podnosi oštре vremenske uvjete koji mogu ostaviti traga ako njega kože nije kvalitetna i intenzivna. Kako bi koža vratila zdrav sjaj, bila zategnuta i upijala još uvljek nježne zrake sunca, preporučujemo vam „piling pripremu“ kože za toplije dane.



Novi BH brand prirodnih kozmetike „AMAMA“ predstavlja set proizvoda koji dokazano vrše blagi piling kože i pomažu u borbi protiv celulita. Set čine piling sapun i antiselulit ulje za masažu.

Kombinacija ovih proizvoda potiče cirkulaciju te intenzivno djeluje na tvrdokorne nasluge celulita, regenerišu i osjećavaju kožu. Kakao i kafa koži daju tonus i vrše blagi piling kože dok ulje cimeta ima antiselulitno dejstvo te ubrzava cirkulaciju, regeneriše kožu, podstiče eliminaciju toksina i razmjenu materija. Opskrbljuje kožu vitaminima, mineralima i esencijalnim masnim kiselinama.

Budi snagu ljepote!

+387 32 200 150 | amama@amama.ba | Školska 10, 72000 Zenica

cm
COSMETIC MARKET

**BE
YOUtiful**

Budi sretna, budi svoja. Budi lijepa.

Sa cm-om ste korak bliže do savršenstva, koje je jednostavno postići i ostvariti. Fashion, beauty, lifestyle...BeYoutiful

ZENIČKO PROLJEĆE

22. međunarodna kulturna manifestacija • 22nd international cultural festival

20. mart, ponedjeljak

Kameni spavac
Trg Alije Izetbegovića 18:00-19:00
Omladinski hor, Djeca, Glumci SFERE
Program otvaranja
22. MKM „Zeničko proljeće“

Muzej Grada Zenice 19:00
Muzej Grada Zenice i Fondacija Mak Dizdar
Sto godina od rođenja Mak Dizdara

BNP- Mala scena, 18:00
BNP-DOLS
festivalska premijera
Ivana Brlić Mažuranić:
Zgode šegrtu Hlapića,
Režija Miroljub Mijatović

BNP, Velika scena 20:00
Haris Burina, autorski projekat
Tako je govorio Lepi...
monodrama

21. mart, utorak

MGZ- Sinagoga, 13:00
MGZ i Anne Frank Museum
Ana Frank – historija za danas

Opća biblioteka: 19:00
Opća biblioteka
Poetski maraton – u čast Dana poezije

22. mart, srijeda

BNP- Velika scena, 11:00
Centar za kulturu- Sarajevo
Vila lutaka
baletna predstava

Muzej Grada Zenica 14:00
Muzej Grada Zenice,
Ambasada Njemačke u BiH ,
Fondacija CHWB I Historijski Muzej Sarajevo
Nova namjena starih industrijskih građevina;

BNP- Velika scena, 19:30
Gradska pozorište Jazavac
Banja Luka
N. Pejaković: Celo telo tu me boli
Režija: Nikola Pejaković

23. mart, četvrtak

Opća biblioteka, 18:30
Institut za jezik US i
Opća biblioteka
Predstavljanje izdanja Instituta

BNP- Velika scena 19:30
JU Osnovna Muzička škola Zenica
Veče orkestarske muzike

24. mart, petak

BNP-Velika scena, 20:00
Andrija Milošević
Zlatni lančić od bijuterije komedija

Smetovi- dvodnevni program
UG Klub kulture-Urban club 072
Čimburstock
muzički program

25. mart, subota

BNP-Mala scena, 11:00
GK Jozza Ivakić Vinkovci
djecijska scena
August Šenoa: Postolar i vrag
Režija: Ivan Čaćić

BNP-Mala scena, 19:30
GK Jozza Ivakić Vinkovci
Goffman: Slučajni perverzničak.
Režija: Goran Grgić

Hala Veletrgovine ŽŽ; 20:00
Ljubitelji elektronske muzike
2. Anniversary party

26. mart, nedjelja

BNP-Velika scena 19:00
ARS centar Zenica
Put oko svijeta
baletna priča

27. mart, ponedjeljak

Opća biblioteka :18:30
Opća biblioteka
Gdje si ti ovih dana
Hadžem Hajdarević
predstavljanje romana

28.mart, utorak

BNP- Velika scena,19:30
Muzička akademija Sarajevo
Koncert profesora Muzičke Akademije

29. mart, srijeda

Muzej Grada Zenica, 19:30
ACCORDEUS kvintet harmonika
MA Istočno Sarajevo
koncert

30. mart, četvrtak

BNP- sala 16: 18:00
Zeničke sveske – okrugli sto
EX Jugoslavija- zajedničko
iskustvo:izvori resentimana i ili selektivnog

BNP- Velika scena, 19:30
Helena Mamić & Lejla Šehić
Koncert za klavir i glas

31. mart, petak

BNP-Velika scena, 19:30
Omladinski hor Zenica
Revijalni program -25 godina

2. april, nedjelja

BNP- Velika scena, 18:00-20:00
KUD Željezara
Smotra horova

3. april, ponedjeljak

BNP, Mala scena – 12:00
Pozorište za decu Kragujevac
Met Brulec: Kroki i prijatelji
Režija :Silvan Omerzu

BNP, Velika scena – 19:30
Knjaževsko srpski teatar
Kragujevac
Jovan Sterija Popović: Kir Janja,
Režija: Dragana Varagić

Opća biblioteka:
Cjelodnevni program
Raspjevana lektira
U povodu svjetskog Dana dječje
knjige

4. april, utorak

MGZ, 13:00
Grupa KaMeN
30 godina grupe KaMeN

Opća biblioteka,18:30
Opća biblioteka
Demijurg
predstavljanje romana Dž. Alica

BNP-Mala scena, 19:30
Hrvatsko NK Mostar
Ivan Viripajev: Kisik,
Režija:Tanja Miletić-Oručević

5. april, srijeda

Opća biblioteka, 18:30
Zeničko proljeće & Naša riječ
Dodata nagrada za najbolju
novinsku priču

BNP-Mala scena, 19:30
Maja Ačkar i Yevgeny Xaviereff
L. V. Beethoven: Sonata br.6.

6. april, četvrtak

Ekran d.o.o.-Multiplex 20:00
Međunarodni festival
angažovanog filma "UFOL"
Multiplex „Ekran“ - 6-12.04.
svečano otvaranje

BNP- Velika scena, 19:30
Narodno pozorište Tuzla
Francis Veber: Budala na večeri,
Režija: Midhat Kušljugić

7.april, petak

Opća biblioteka, 18:00
UG Zona muzike
Glas koji se vidi, slika koja se čuje
Medunarodna izložba umjetničke
fotografije

BNP- Velika scena 19:00
GUD „Filigran“
Medunarodni tamburaški susreti

8. april, subota

Ekran d.o.o.-Multiplex 16:00
Savez izviđača Grada Zenica
Promocija CD-a izviđačkih
pjesama

MGZ - tvrdjava Vranduk
Muzej Grada Zenica
Tragovima bosanskog kraljevstva
Ansambl Fugato
koncert; Forum GZ

BNP-Mala scena, 19:30
Ehlimana Tilkveša, Sanja Stijačić
i Andela Bratić
Koncert za dvije flaute i klavir

10. april, ponedjeljak

IK Vrijeme – 18:00
IK Vrijeme Zenica
Vrijeme sjećanja - Mak Dizdar

MGZ: 13:00
UG Dječja nota
Mi smo djeca vesela
Predstavljanje
zbirke pjesama za djecu

BNP – Velika scena 19:30
JU Srednja muzička škola
RETRO (per) SPEKTIVA
Koncert u povodu 40. Godina rada

11. april, utorak

BNP-Velika scena, 19:30
SARTR Sarajevo
M. Bulgakov: Majstor i Margarita,
Režija: Aleš Kurt

12. april, srijeda

Muzej Grada Zenice,13:00
DLAUZ Zenice
Aprilski salon

BNP-Mala scena, 18:00
BNP – DOL scena
festivalska premijera
D. Kovačevski i N. Vasiljeva
Prodati smijeh
Režija: Darko Kovačevski

BNP-Velika scena, 20:00
Udruženje pedagoške muzičke
culture - Zapis o Bosni
koncert



S F E R E
20. mart - 12. april 2017.